

XXIV.

POSITIONUM DECAS

De

MAGIA

Quam

Divina adspirante gratia.

In celeberrimo ad Albim Athenæo

SUB

EXCELLENTISSIMI JUXTA AC CLARISSIMI

VIRI

M. JOHANNIS Sperlings/

Physicæ Prof. Publ. longè dignissimi, Dn Hospitis,
Promotoris ac Præceptoris sui ætatem venerandi
Præsidio

[Placide Φιλοσοφῶντων διὰ συζήτησιν publicè subjiçit

HENRICUS Colter / HOJENSIS,

Aut. & Respond.

In auditorio majori ad 27. Januarij

Horis matutinis.

EX[?]

WITTEBERGÆ,

Ex Officinâ typographicâ JOHANNIS HAKEN.

ANNO M. DC. XLIIX.

A. 5705.

POSITIONUM DECAS

DE

MAGIA

Summa

Divina adquirentis gratia

In celeberrimo ad Albi adhibetur

sub

EXCELLENTISSIMI JURIS AC CLARISSIMI

VIRI

M. JOHANNIS GÖTTINGEN

Physice Prof. Publ. longè dignissimi, Dr. Honoris

Promotoris ac Praeceptoris sui aeternam venerandam

Praestidio


in hoc Opusculo adhibetur

HENRICUS GÖTTINGEN

Auct. & Respond.

In auctoritate majori ad 27. Junij

anno 1777.



WITTEBERG.

Ex Officina typographica JOHANNIS HARTM.

ANNO M. DC. LXXVII.

POSITIO I.

Magia omnium artium antiquissima est.

Formas rerum nunquam defecere & occultæ & manifestæ qualitates, quæ omnis Magiæ fundamentum sunt & origo. Ut igitur à primordio statim suo suos Natura latentes habuit thesauros, qui ad sui inquisitionem humanum rapere possent animum; ita verisimile est, ipsi non defuisse in hos indefinenter inquirentes. Zoroastrem Bactrianorum Regem, Nini *οὐρυχεσ-
σιν* primum id omnium fuisse aggressum atque sic Magiam excoluisse refert *epitomator Trogilib. 1. historiar.* Qua quidem in re consentientem is habet *Plinium Lib. 30. c. 1.* Non tamen omnino assentientem, quando hic non post multa subiungit: *Diligentiores paulo ante hanc ponunt Zoroastrem alium Proconnesiam.* Verum uter illorum his habeatur Magiæ autor, nobis perinde est. Non tamen putamus superioribus etiam sæculis nullos extitisse huius artis peritos. Ipsum humani generis primum parentem Adamum Physicæ, & ex hac pullulantis Magiæ exquisita habuisse cognitionem, conjicimus; non quidem ex eo, quod per solum aspectum figuræ externæ rebus nomina imposuerit, internam naturæ conditionem notantia, uti faciunt non pauci perperam ex *Gen. c. 2. v. 19. 20.* Hac enim notitia ipsi ante lapsum concreta erat, nulla observatione aut usu acquisita. Sed quod post maledictam à DEO suæ ob inobedientiæ culpam tellurem ipse cunctis naturalis notitiæ superstites igniculos ad id excitaverit, ut suo perditio jam statui succurreret. Quod præstare potuit ipsam in naturam diligenter inquirendo, terram spinas tribulosque germinantem excolendo, herbarum & plantarum vires explorando, pyros ac pomos, quæ jam agrestem induerant naturam, pro miti acerbū ferentes fructū, transponendo nec non paulatim tam

ἐνοφθαλμισμόν, quàm *ἐνοφθαλμισμόν* ad pristinam indolem redigen-
do. Quæ & similia naturæ mysteria ad suos is posteros, qui sine
omni dubio cum die his plura longè adinvenierunt. Tubalain
jam suo tempore omnem aris ferrique tractandi callebat artem &
quodvis exinde opificium fabricari noverat. *Gen. 4. v. 22*. De
Noacho itidem sacer testatur codex, quod vineam, ex qua bibe-
rit vinum, plantaverit. Id sanè indieio est, cognitam ipsi fuisse
naturam vitium, nec ignorasse succum ex illarum uvis pressum
magnam habere vim, fessos labore reficiendi & confortandi artus.
Unde defatigatum se recreaturus largius bibit & inebriatus est.
Gen. 9. Salomonem lubens hic prætereo: qui quantus fuerit in
hac arte, ex *Cap. 4. v. Regum* legenti satis constare poterit. Com-
mentator primus in Magiam fuit Ostheneſ, qui Xerxem regem
Persarum Græcis bellum inferentem comitatus in Græciam hanc
transtulit, ut *Plin.* scribit *l. cit.* Democritum quoque Abderitem
diuturnis longisque peregrinationibus ejus scientiam sibi compa-
râsse, quando ad Arabiæ, Æthiopix nec non Ægypti Magos se-
contulerit, *idem Plin.* testis est *lib. 25. c. 2.* Unde postea eodem,
quo Hippocrates tempore Medicinam, Democritus hic Magiam
magnis ex disciplina Apollonica Cæptidensis & Dardani Phænicum
conscriptis voluminibus illustravit. *Plin. lib. 30. c. 1.* Ubi etiam
de Pythagora, Empedocle, Platone nimio Magiam addiscendi
desiderio inflammatis *idem Autor* refert, quod Memphiticos
Vates accesserint & Syriam penè totam, totam Ægyptum, cun-
ctasque Chaldæorum scholas peragraverint, exilijs verius, quàm
peregrinationibus susceptis. Non obscuri quoque sive scientiæ
hujus sive artis cultores extiterunt Hermes Trismegistus, cujus
meminit *Diodorus Sic. lib. 1. cap. 16.* *Augustin. de Civ. Dei lib. 8. cap. 23.*
Zacharias Babylonius. *Plin. lib. 37. c. 10.* Bocus, Aaron, Zeno-
renus, Kirannides, Thetel & alij, quorum nonnulla se fragmen-
ta legisse dicit *Cornel. Agrippa de Vanitate Scient. c. 42.* Plura
de hac re qui desiderat, vid. *Johan. Bapt. Porta.*

h. n. a. n.

Magiæ vocabulum hodie ex classe illorum est, quæ
μῆτις dicuntur, h. e. in bonam & malam par-
 tem possunt accipi.

Non tantum optimi cum tempore in pejus ruunt mores, sed
 quoque pulcherrimus rerum usus in fædum sæpe ab usum converti-
 tur. Unde etiam accidit, ut nomina ejusmodi rebus imposita
 non minus in suspicionem veniant. Exemplo sit nobis vox Ty-
 rannis, quæ olim fuit augustissima, regiamque majestatem sive
 Monarchiâ significavit, quâ qui possidebat, Tyrannus vocabatur,
 eratq; homo, juxta *Trogum*, spectata inter bonos moderatione ad
 summum majestatis fastigiū evectus. Jam cū moribus & nomen il-
 lud immutatū est, ut nec Tyrannus nec Tyrannus aliquot seculis
 bene audiat. *Vid. Ciceron. Lelius sive de Amicitia. s.* Sic Sophista
 initio dicebatur is, qui solertissimo pollebat ingenio & sapientiæ
 donis mirifice instructus erat. Quare *Arrian. lib. 6. & Synesius Epist.*
44. Indorum Sapientes *Σοφιστῆς* τῶν Ἰνδῶν appellitant. Sed
 postea titulus hic in infamiam abiit, quando Sophista non ampli-
 us mansit Sophista, sed aut ostentationis aut quæstus gratiā artem
 suam exercuit. Quin hodie, quod notum est, Sophistæ nomen
 tribuimus contortis modō & fallacibus conclusiunculis ludenti.
 Non secus accidit Magiæ voci Persicæ, quæ olim honestissima,
 indigirabatur ars scrutandi naturæ vires & colendi DEos scientia.
 Hac recte imburi nuncupabantur Doctores sive Sapientes apud
 Latinos: apud Gallos Druides: apud Indos Brachmannes. Apud
 Persas tanta horum fuit autoritas quanta in privatum hominem
 cadere potuit. *Vid. Plin. lib. 30. passim.* Cambysem in Ægyptum
 cum exercitu abiturum Mago cuidam regni credidisse sceptrum *He-*
rodotus autor est lib. 3. Et ex Ægyptiorum Sacerdotibus Magisque
 Chaldaeorum, qui sapientiā alijs præfulserunt, ad imperij honores
 fuisse evectos narrat *Strabo lib. 16. Geographia.* Imò Magis apud su-
 os hæc fuit autoritas, ut nemo, nisi illorum doctrina ornatus, rex
 saluari potuerit. Testem laudo *Ciceron. qui de Divin. lib. 1.* ita in-
 quit. *Nec quisquam Rex Persarum potest esse, qui non ante Magorum*
disciplinam scientiamq; perceperit. Conferatur *Calvus Rodigin. l. 3. lect.*
antiquar. c. 42. Verum quoniam postea Magicæ arti, tanquam

honestissimæ matronæ, stuprum illatum est à petulantibus nonnullis naturæ contemtoribus, qui legitima negligentes fundamenta, diabolicis sese instillationibus emanciparunt, & sic artificia quædam prodidère stupenda, advertentibus id, *quorum è meliore luto Titan præcordia sinxerat*, vox illa deteriorem quoque in partem cœpit usurpari. Qui mos adhuc obtinet, ut, qui talem exercent Magiam, meritò famosissimis perstringantur nominibus & dicantur *Fascinatores, Præstigiatores, Venefici, Arioli*, nullo, quando cum vulgo res est, refragante Philosopho.

III.

Non omnis Magia hodie malè audit, siue illicita est.

Sunt qui dubitant, an detur ulla, aut unquam data fuerit Magia licita seu naturalis. De solis Magis, qui ad Christum venere, bonine fuerint an mali haud sciri posse contendunt. Sed dirimit hanc litem optimè Excell. Dn. D. *Calixtus* in sua *Historia Magorum*; quæ poterit videri: ut & *B. Meisneri Philos. sobr. sect. 2. part. 2.* Et probant Magiam naturalem facile partim occultæ cum manifestis altius perspectæ qualitates, partim stupenda hominum opera solius naturæ vi peracta. Segregetur itaque hic triticum à lolio, id est naturale à diabolico separetur. Tollatur abusus, ut maneat usus. Non sanè detrahenda illis Magis sua laus est, qui naturæ adyta diligentius perspexerunt, & miranda ejus beneficio opera proferre didicerunt. Laudatur meritò *Anaxagoras*, quod Olymp. 28. anno secundo prædixerit, quo die saxum è sole esset casurum. Quod factum interdiu in Thraciæ parte ad *Ægos* refert *Plinius*, additque, suo etiam tempore hunc lapidem fuisse ostensum vehis magnitudine & colore adusto: Sed eum è sole esse lapsum non credibile rectè putat. *Vid. c. 58. lib. 2.* Idè hic *Anaxagoras* maxima in siccitate pluviam prædixit, indeque pro Deo habitus est. *cit. autor lib. 18. c. 28.* Nec tacenda hîc est *Democriti* in naturalibus sagacitas, quâ ubi olei prævidit caritatem futuram, in toto tractu omne oleum coëmit. Mirati id sunt ij, quos

ij; quos sapientiam præferre divitijs virum solere non fugiebat. Sed sequenti, eni, anno superioris omni, quicquid erat olei, dividendito, summa ejus penuria exitit. Sotus tunc *Democr.* ex hac materia questum fecit maximum. Sed pretium omne avaris reddidit dominis & seia horum pœnitentiæ restituit, opes sibi non cordi esse, attamen in facili eas comparare demonstrans *Ibid.* Labet etiam recensere hic, quod *Herodotus lib. 1.* de Persarum Rege *Cyro* habet. Is cū adversus *Crasi* exercitum, quem ob militum multitudinem extremè formidabat, copias suas duceret, sequentius est stratagemate magico. In fronte aciei camelorum constituit plurimos: quos equi militum *Crasi* olfacientes, illico sese, (*quoniam ijs magna intercedit cum elephantis ἀντιπρόθετα*) averterunt retrò. Hinc milites terga dare coacti sunt, & *Craso* tam facile victoria erepta est, quàm captivitas accidit. Hæc & similia si quoque nostri ævi homines præstare & iusto tempore adhibere noverint, ipsis nequaquam vitio id, sed potius laudi quemlibet decebit vertere. Prodit enim talis Magia latentes naturæ delicias atque divitias nec non mira eum jucunditate sui studiosos afficit. Jucundum est in libero posse aëre sine ullo sustentaculo clavum suspendere ferreum. Utile ægrotis auxiliatrices seire adferre manus ex rerum qualitatibus bene cognitis, activas passivis rite applicando. Nec minus honore dignus est, cujus Magiæ scientia intellectus à communi rerum abditarum ignorantia purgatus est. Ea enim hic præstare novit, quæ admiratur vulgus, quæque non rarò ad proximi utilitatem vergunt, tum summi Creatoris gloriam & bonitatem illustrent. Ex quibus constat: Omnem Magiam, fundamentum in Natura habentem & sine superstitione susceptam, licitam esse & venerandam.

IV.

Magiæ contemplatio ad Physicam pertinet.

Non simpliciter hoc; sed suo modo intellectum volumus. Ex antè dictis enim videre est, quod non Naturalis modò Philo-
sophiæ

sophiæ cultores, sed ij quoq;, qui sese dederint civilium rerum scientiæ, Magi dicti fuerint. *Aretius in probl. loc. 44. pag. 430.* quatuor potissimum ad Magiam pertinuisse narrat 1. *cultum sacrum*, unde Magi dicti sint *Prophetae*. 2. *Cognitionem Physicæ*; hinc inquit dicebantur, *Medici*. 3. *Pueritiæ matheseos* & 4. *Politice vel rationem administrandi imperia & regendi populos*. Hac ratione spectatam Magiam practica modò Philosophia, modò Theoretica sibi tanquam partem vendicat, pro diverso, circa quod occupata ea est, objecto. Neque etiam hic adstruimus, quasi peculiarem Physicæ partem Magia constituat, in qua tractetur accuratè, quomodo activa passivis applicanda sint, & sic opera admiranda producantur. Hoc scientiam eum arte esse confundere, quod moliri oppidò veremur. Sed id duntaxat assertum cupimus, quòd nemo, nisi Physicarum rerum cognitione instructus quicquam laudabile possit in Magia, quatenus de ea in his pagellis nobis sermo est, id est, quæ Magia ad res solum Physicas restringitur, efficere: verum cuncta ex naturalium rerum causis eruere necessum habeat. Atque hoc modo sumtam Magiam, ulterioris explicationis gratiâ describere commodè possumus, quòd sit *scientia partialis è libro naturæ petitus ad multa hominem rectè dignoscenda & expedite præstanda aptum reddens*. Ubi observandum erit nos eam dicere, *scientiam*, non ut in rigore accipimus vocabulum *scientiæ*, sed prout qualemcumq; id denotat cognitionem & ad ipsam se extendit praxin. Non *totalem*: sed *partialem*, quoniam in qualitatum doctrina, quæ particula Physicæ, potissimum fundata est. Reddit autem hominem ad multa rectè dignoscenda, nimirum præternaturalia, à naturalibus, licita ab illicitis: itè multa expedite præstanda, quæ imprimis sine ea & Chemicis & Medicis essent longè difficillima, aptum. Quod si hic quis nobis cupiat regerere, quid Physicæ intercedat cum opere commercij? Ei sic venimus obviam, quod quæ hic accidit *minus* seu effectio nihil rei derogat. Accidit enim illa & Mathesi, in qua beneficio Arithmeticæ, Geometrix, Astronomiæ, Opticæ &c. non rarò egregia producantur opera, quas tamen eam ob rem ex Theoreticæ Philosophiæ circulo minime excludimus. *Tractat Physicus practicam magiam, ut sci-*
at, non

at, non ut faciat. Plura & accuratiora qui desiderat, *Ipsius Clariss. Dn. Præs. Instit. Phys. cap. IV. Lib. 2. deat de Magia.*

IV.

Dari possunt certæ quædam Magiæ naturalis species.

Premissis hisce ad ipsas Magiæ N. sp. descendimus, in quarum enumeratione discrepant Autores. Theophrastus Peracellus homo & Naturantem, quam dicunt & Naturatam in multis deferens Naturam, sex licitæ Magiæ species lib. 1. Philos. sagacis cap. 4. eruditis propinare annititur. Harum primam *Interpretationem signorum præternaturalium*, quæ inter res naturales quidem appareant, naturaliumque corporum speciem habeant, præternaturaliter tamen à Deo in natura constituentur, dicit posse statui. Ejusmodi Magiam, fuisse *interpretationem stellæ*, quæ Magis incitamento fuerit ex Oriente in Judæam ut iter susciperent ad Christum recens natum somniat. Quod etiam refert *Interpretationem Prophetiarum & Apocalypsum*. II. Speciem viventium asserit esse *transformationem corporum*: qualis in conspectu Phaaronis tempore Moysis contigerit. Quod etiam Servatoris nostri *transformationem* trahit, III. dicit specie docere *verba facere*, quæ omnes habeant vires, quæ à cælo in herbas mittuntur quæ omnia, quæ Medicus per medicamenta efficit, *verbis* præstare possit, eamque *characteralem* nuncupat. IV. specie ait ostendere, quomodo *Gamabeu, i.e. imagines & sculpturas*, quibus mirandis characteribus & figuris vires cæli imprimantur, quæ omnia præstent, quæ aliàs ex rebus naturalibus composita instrumenta faciunt. Sicut enim clavis seram aperit, gladius vulnerat, thorax ferreus munit: ita eadem invisibiliter peragi posse per imagines ex influentia supercœlesti lapidibus insculptas. V. Speciem facit, quæ *imagines* his similes, quibus ea destinantur, conficit. His quicquid infligitur, autumat, *eos pati*, quorum sunt *imagines*. Hac Magiæ specie dicit in *immagine cerea vel alia* posse quem affari, configi, paraliticum, cœcum, impotentem reddi ad Venerem, rursusque sanari, eamque vocat *Alteram in alteram*. VI. & ultimam constituit Cabalisticam, non quidem illam Ve-

B

terum,

rerum, quam *Reuchlinus* nihil aliud esse, nisi *symbolicam Theologiam*, in quâ non modò sint litteræ ac nomina rerum signa, verum res etiam rerum, ait *lib. 3. de arte Cabal. p. m. 713.* Sed planè aliam & per versam, quæ scilicet rationem & modum tradat, quo *characteribus, sigillis, figuris, verbis* admiranda & alijs impossibilia perficiantur; ac *Magia Cabalistica* præstari posse docet, ut quis possit audire vocem ultra mare, aliquis habitans in Occidente loqui cum aliquo habitante in Oriente. Quæ enim voces naturaliter exaudiri possunt *per passus centum*, easdem *Magia* beneficio, dicit, exaudiri posse *per C. milliaria Germanicæ*. Item quod iter, cursor vel equus naturalibus viribus *mensis spacio* absolvit, id per hanc *Magia* speciem *uno die* posse absolvi. Ac tales equos habuisse *Magos Sabæos*, eosque *Magica*, non *naturali* vi equorum *Bethlehemum* venisse *lib. 1. de Vita long. c. 9.* scribit. Et quicquid natura operatur annuo spacio, id ipsum posse mense perfici etiam in fructibus maturandis, pollicetur. Hoc modo *Trithemium*, cujus fusam *B. Meisnerus par. 2. Phil. Sobr. cap. 2.* mentionem facit, coenam ex Italia vel Gallia petijisse prolato verbo: *AFFER*: referunt. Astipulatur hisce *Crollius* & non minus fanaticæ offert in præfatione *pag. 36. & seq.* Nos recensitas *Magia* species rejicimus, ut spurias, offensuri infra pro data occasione quid veri subsit. Alias sex adferemus hic ex naturæ sacrario, quæ suis nituntur causis naturalibus; & à nemine negabuntur.

Harum I. esse poterit *Summa Delæ, & arina Delæ*, vel ut *Scaliger* mavult *Exerc. 344. sect. 2.* Assensus ac dissensus cognitio. Ea qui imbutus est, ignorare non poterit, cur pedes, frigore ad perihonem usque laborantes, frigidissimæ aquæ immersi ad pristinum redeant vigorem. Internum scilicet frigus, velut foedere facto, ad externum ruit, & ob naturæ convenientiam simile tendit ad simile. Sic liquor, qui gravis est, contra naturam ex imo ascendit ad pennam humidam supernè admotam. Boves, in quo mactatus fuit bos aut ejus ossa sunt recondita, loco consistunt ac vociferantur. Sentiant enim effluvia ex suæ naturæ simili egressa ibique adhuc hærentia, & conturbantur. Præterire non possum, quin hic enarrem, quod litteris mandatum est de nobili quodam

quodam illud bello naso truncato superiori seculo. Hic chirurgi
 opem, uti is sibi consulere, imploravit. Qui, sentiens delica-
 rum esse agrotum, proprium ejus brachium dissecare noluit, sed
 ut è brachio servi more in Chirurgia descripto, nasum sibi com-
 parari curaret, ei valor extitit. Conductus est mercede servus
 à nobili, qui se illi alligari, brachium secari & cætera adhiben-
 da adhiberi spe lucri passus fuit. Cura processit feliciter, nobili-
 que reparatus est nasus ac servo brachium restitutum. Sed tri-
 ennio post servus morbo laborare incepit, ex quo nobilis nasi do-
 lores percipere potuit. Mortuo servo, nasus, quasi mutuo datus,
 simul computruit deciditque. Quid hic aliud respondendum
 erit, quam ex *Sympathia sive nature consensu*, ut mortem servi eti-
 am nasi corruptio statim secuta fuerit, evenisse? Eodem modo vina
 vetera, cum vites gemmas protrudunt, in dolijs effervesce-
 re, & panes, quando in agris frumenta florent, in ædibus marcescere
 & corrumpi, credimus. De panno, quando adipe aut pice infe-
 ctus est, res paulo est manifestior. Solâ aquâ calida cum agrè
 purgabis: adhibe aliam cum aqua pinguedinem, nec non videbis
 illâ huic uniri & ex panno elui. Venenû attrahit venenû, morsusq;
 animalium venenatorû venenorum applicatione curantur. Qua-
 de re plura ap. *Rendani Instit. Pharm. lib. 1. c. 17.* legi poterunt.
 Sic amat natura sui unionem, secus ac nonnulli sentiunt. Nec
 minus, *atque similia*, *fuga etiam dissimilia* in aprico est. O-
 leo, butyro sive adipi accensis, si affundimus frigidam, ignem non
 sine murmure aquam fugere, superiora loca perere ac ipsas sæpe
 ædes incendere conspiciamus. Non hic opus est, ad *attractionem*
 ut recurremus. Hostis adversus hostem se munit & unit, ejusque
 impetum averfatur. Hinc etiam proculdubio, Beatissimo scri-
 bente *Sennerto*, pulveris pirij vis est, dum non solum sulphur ac
 nîtrum accensa locum requirunt ampliorem, sed & sibi invicem
 inimica sunt. Famosum est alij & magnæ dissidiû. Illo n. hic il-
 linitus ferrum attrahere recusat. Pullus gallinaceus, triduum aut
 quatrimum ovo exclusus, milvum è longinquo conspectum hor-
 tet sibi; ad matrè fuga consulit, nullû alias sive equû sive bovè sive
 molossum reformidans. Accipitrem imbelles fugiunt columbæ:

& lupus ovi visus terrori est. Alimenta etiam nonnulla multū
nauseant summè, multi eadem avidè anhelant. Scribunt triti-
cum ita averfari vultures, ut ejus esui fame anteponant perire.
Ciconeis oblectamento serpentes sunt & gallinis araneæ, homi-
num interitus. Asinus ferulum equorum pestem comedit. Ad
quæ notandum venit, quòd, ut proprietates hæ plerumque com-
munes sunt & toti fermè speciei conveniunt, à forma specifica
propriè manantes, ita aliæ etiam, exque magis contractæ den-
tur, quæ non omni, sed nonnullis tantum individuis accidunt,
ut cum Alexandri Magni corpus fragrantissimum, teste *Plutarcho*
in ejus vita, odorem de se sparsit. Nonnullos à caseo, butyro, vino
felibus ita abhorreere cernimus, ut horum præsentia ijs non tan-
tū valde molesta sit, verū & periculosa. Novimus inquit
Weinrichius Tract. de monst. c. 8. qui angillarum duntaxat calo-
rem, aspectum, esum pati non posset, sed ne esse quidem in ædi-
bus absque insigni anxietate, ubi occultabatur aliqua vivens. Et
Josephus Scaliger Exerc. 344. sect. 6. quendam commemorat, au-
dito phormingis sono, se continere non potuisse, quin sub men-
sam (sit venia verbis) etiam inter clarissimorum convivarum pe-
des minxerit. Hæc affectiones quoniam non semper & omni
speciei individuo insunt, à formis accidentarijs, provenire eas ar-
bitramur, quæ subjectis interdum ad tempus sine lege, sine neces-
sitate adsunt. De *ὀνυχισμῳ* sive unguento armario, cujus
conficiendi applicandique modum breviter describit *Baptista Per-
ta lib. 8. c. 12.* quæri potest, num etiam id referri huc debeat. Af-
firmativam videntur tenere non pauci, inter quos *Crollius* est &
Goclenius. Sed negamus illud meritò, cum nulla actio passioq;
sine contactu esse possit, docente *Aristotele 1. de gen. & corrupte.*
c. 6. text. 44. Omnis autem contactus est vel *corporealis*, quando
duorum corporum superficies ita simul sunt, ut mutuò se invi-
cem premere ac movere possint: Vel *Virtualis*, quando virtus uni-
us corporis ad superficiem alterius pervenit, agitque in illud, si-
ve per species id fiat emissas sive per effluvia. At neutrum de
illo rectè quisquam affirmabit: Non illum; quod contra sensus
non hunc, quod contra rationem est. Quæ enim inter ferrum sive
telum

telum vulnerans & vulnus inflictum naturæ aut qualitatibus
 convenientiâ. ? cū tamen ea, quæ in se mutuo agunt & à se
 invicem patiuntur, aliquo modo sint inter se similia, *docente*
Aristotele lib. 1. de gen. & corrupt. c. 7. textus 50. Nil valet, quod
 ajunt, *spiritus unā cum sanguine egredi, telo suo ferro adhaerescere, in-*
deq; adhibitis adhibendis repelli & ad corpus suum redire ac illud red-
integrare. Sanguis iste è corpore fusus cruor fit, statimque emo-
 ritur, nec spiritus in se retinet ullos. Patronis igitur hujus unguenti
 ex rei natura hoc aliter erit demonstrandum, quod quamdiu non
 fiet, Saranæ hic subesse ludibrium putabimus, Meliora vid. *ap.*
B. Sennertum de ungu. arm. apud Clariss. Dn. Præsidentem Instit. Physic.
c. 3. quest. 1. Keckerm. curs. Philos. disp. 2. corol. 4.

II. Magis naturalis speciē *Φυσικὴ φύσις* sive naturæ ex partium
 corporis positu cognitionē constituim⁹. Hanc qui recte tenet, illi ex
 notis corporis in sensus incurrētib⁹ & singulis hujus partibus, cū-
 primis autem vultu sive faciei habitu, de morum constitutione &
 ad certa studiorum affectuumque genera inclinatione conjectu-
 ras facere ac prælagire erit integrum. Membrorum enim hu-
 manorum exteriores ad se invicem habitudines cū è membro-
 rum principalium efformatione dependeant in origine; & omnis
 effectus suam quodammodo causam arguat, horum indicia ex il-
 lis desumi non ægrè poterunt. Vulgare quidem est: *Frons indi-*
cium animi est & mentis janua acuta: sed non contemnendum. Bo-
 ni namque cordis bonam faciem vestigium *Symcid.* nominat c. 13.
 v. 32. Mærentis ac gaudentis, speculantis & irascentis manifesta
 in fronte apparent indicia. Et esse vix potest, ubi habent con-
 gruentem inter se *συμμετρεῖται* membra corporis, quin vis plastica
 modo legitimo ex iusta materiæ seminalis analogia tria illa mem-
 brorum principalia *cerebrum, cor & hepar* efformarit, hisque reli-
 qua vicina & externa sapienter copulaverit: cordi nimirum tho-
 racem, caput cerebro, cum reliquis, quas singula membra conti-
 nent, partibus. Hinc tot ex eleganti corporis humani *commensura*,
 (ut *Vitruvii* verbo utar) divinationes, quot ferme anni dies, sunt.
 Plurimas vide collectas in Excell. Dn. Præs. *Anthropol. Physic. lib.*
2. hinc inde: cum primis de faciei constitutione p. 634. & seq.

Apud Hippocrat. lib. 2. de morbis popularib. Patillum Zachiam.
Question. Medico-Legal. lib. 4. Tu. 1. Quest. 5. Secus si eveniat, ut
membris hisce apta defit condecencia, sicut fatur Tullius, aut vim
efformatricem calore defecisse aut materiam seminalem non suf-
fecisse conjicimus. Quibus bene observatis, quid de compositi
constitutione, de ejusdem affectionibus & inclinationibus censen-
dum sit, explicat illud vulgatissimum: Cautus homo cavet, quic-
quid Naturam notavit. Nazianzenum in hac re, testatur Nizetas, vix
parem habuisse, atque internum hominem ex gestibus externis o-
mnium maxime potuisse notare. Ille igitur, quisquis futurus es-
set Julianus, ex facie ejus; orisque lineamentis facile potuit de-
pingere, quando inquit. Neq. enim mihi boni quicquam significare
videbantur crura minime firma, humeri, quos subinde agitabat & attolle-
bat, oculus vagus & oberrans, ac furiosum quiddam intuens, pedes in-
stabiles & titubantes, nasus contumeliam spirans, vultus lineamenta
ridicula idem significantia, risus protervi & exastuantes, nutus & re-
nutus omni ratione carentes, sermo harena spiritusq. intercisus, inter-
rogationes precipites & imperita responsiones, his nibilo meliores.
Vid. ejus in Julian orat. 4. Sic saepe hominum interna externis re-
spondent, & nisi optima illorum mores educatio emendet,
deformi corporis habitui deformis animus comes est. Conjungi
cum Physiognomia poterit Chiromantia, quæ ex manuum linea-
mentis & monticulis, de temperamento, virtutibus, vitijs, honori-
bus, divitijs, conjugibus, liberis, moribus & interitu etiam ju-
dicat. De qua Vid. Johannes de Indagine cap. 1. cap. 2. 3. 4. & seq.
Peucerus: & B. D. Balduini Casus conscient. pag. 801. 802. pluribus.
 III. Magia natur. speciem ponimus *γαλεομαρτεια* i. e. infantu
recens natorum ex vitris divinationem. Est autem *Galea* sive
Vitta infantium, juxta nonnullos, peculiare quoddam involu-
crum seu membrana ex superabundanti copia magis terreæ,
quam aquosi, solidioris compactiorisque seminis, à virtute plasti-
ca validiore efformata, & in circumferentiam fusa. Levin. Lem-
nus de occult. nat. mir. lib. 2. c. 8. tanquam anilem & malè sana-
rum vetularum perversionem hanc rejicit, statuens, vitras illas nil
esse aliud, quam partem intimi involucri foetus, quod suo appel-
latur

latur nomine *αἰών*. Sed non assentimur illud nos dicto auctori (1) quia vittam hanc arcum circa fimbriam quasi obtinere instar venæ rotundam, ajunt, quæ, si esset pars animi abrupta, non adesset (2) Involverum istud *αἰών* dictum, si rumpatur, ilico recurrit, & quasi in se contrahitur, quod non deprehendi poterit, in ejusmodi *Galeis*. (3) per rupturam membranarum oræ redduntur inæquales & dentatæ quasi, quod itidem hîc non fieri observatum est. Res autem cum hâc vitta seu diadematē ita se habet, ut si nigricante id affectum fuerit colere, multa infantibus, minetur sinistra, eò quòd color nigricans prædominantem indicet humorem melancholicum adustum, qui ad horrenda quævis hominem disponit impellitque. Unde etiam proverbium: *Melancholia Diaboli balneum*. Atra enim hæc, densa quoque fuligine cerebrum replet, mentem obnubilat, non secus, ac atræ nubes solis obfuscatur radios. Quam ob rem huic etiam humori malos non raro sese immiscere spiritus asserit *L. Lem. l. 1. c. 16. de occ. nat.* Hæc qui infestantur horrenda sibi somnia fingunt, spectra, mortem, Tartara ipsa. Quin & vigilantes ij interdum talia sibi imaginantur ante oculos versari depravatam ob Phantasiam autumant, qualia *idem autor de complex. lib. 2. c. 6.* recenset de quodam, qui se mortuum putavit, ideoque nec cibo nec potu uti voluerit. Ac de alio narrat, quod opinatus fuerit, clunes suos esse vitreos, & propterea sibi omnia stando conficienda esse negotia, ne, si sessum caperet, confringeret nates. Si verò rubicundo hæc vitta colore infecta fuerit, principiatum quoque de suo principio restabitur, hoc est, sanguinis in semine indicabit prædominium; atque sic infantibus multa pollicebitur prospera. Sanguineum enim temperamentum, præterquam quod per se optimum est, temporis successu in naturalem abire solet melancholiam, cui mentis sagacitatem comitem esse solere testis est *Aristoteles*, quando ejusmodi temperamento omnes, qui ingenio claruerunt in Philosophiæ studio, sive Reipublicæ administratione, vel carmine pangendo, adfirmat fuisse præditos *probl. sect. 30.* Sed quomodo hoc sobriè & rectè accipiendum sit, vid. *Clariss. Dn. Pres. Ambropol. Physic. pag. 162. 163.* Referri etiam hîc poterit *ὁμολομαίειαν*, sive

sive umbilici inspectio & ex ea divinatio : de qua , quoniam ex
ijsdem fermè fluit sumiturque causis , idem fermè etiam poterit
esse iudicium.

IV. Magiæ naturalis speciem facimus virium
Phantasia, notitiam. Non quidem illam , de qua *Crollius* di-
cit: *Quicquid oculis videmus in majori mundo , hoc idem imaginatio
potest producere*. Sic omnes herba, omnia metalla per imaginationem
& veram *Gaballam* possunt produci. *præf. p. 38*. Vana hæc est & falsa.
Vid. *Excell. Senn. cap. 14. T. de C. ac D.* Sed quæ in naturalibus cau-
sis fundata est. Hac qui destituitur, fieri non potest, quin multa
admiretur summè sæpeque horreat, quæ ab imaginationis viri-
bus proficiscuntur. Tantæ enim tamque stupendæ Imagina-
tionis vires sunt, ut in illarum investigatione plurima sese, eaq;
optima hominum capita semper exercuerint : siquidem non in
proprium modò hæc agunt corpus : sed & alienum non rarò miris
afficiunt modis : quod in tenellis adhuc maternæ alvo inclusis
fœtus membris videre est, quæ adeò nonnunquam distorquent,
ut hominisne partes, an bruti spectes, dubitare queas. Id cum nôsset
Patriarcha Jacob ex inito cum socero pacto, sine fraude sineque
vituperio (quod cum alijs celeberr. in XXX. Cap. Gen. Theolog. B.
D. *Gerhardus* statuit) ovibus potuit ditescere. Liber in medium
adferre exempla aliquot, quæ Phantasia, sese, quantum valerat,
ostentans, prodidit. *Clariss. Schenckius* annotat, ob denega-
tum à lanione carnis frustum in macello gravidam quandam ira
sic incaluisse, ut nares stillarint sanguine, quem cum absterse-
rit, enixa sit fœtum superiori carentem labio. Et *Cornelius Gem-
ma* refert, maritum quendam conjugem suam, ubi jam parrus
institerit, stricto gladio insequutum, frontique ejus plagas ac
vulnera minitatum esse, quæ postea prolem horrendum in fronte
vulnus habentem pepererit, è quo tam abundè sanguis profluxerit,
ut is ante interitum infantuli sisti nequiverit. *Experientiss. Sen-
nert.* Novi, inquit, fœminam, quæ cum vidisset à Lanione ca-
put suillum securi dividi, filium genuit, cui tota superior
palati pars cum maxillo superiore & labio ad nares usque
divisa erat. Et de alia dicit : Memini, mulierem quandam
cum sub mora versâretur, & mora plura in ipsam deciderent, fi-
lium
lium

liam genuisse, quæ in ijs corporis partibus, in quas in matrem ora deciderant, verrucas instar mororum habuit. Hæc & sexcenta alia potest Phantasiæ vis. De modo quo hoc fiat, ne eum sicco paterijſſe pede videamur, etiam hîc pauca annotabimus. Dicimus verò, eum non posse esse unum, cum jam suprà affirmaverimus, nunc in *proprium* nunc *alienum* corpus Phantasiam agere. Quod ut eò rectiùs intelligatur, præmittimus, actiones ejus esse duplices, primarias & secundarias. *Primaria* sive *immanentes* rursus geminæ sunt, nèpe (1) species à sensu cõmuni delatas examinare, depurare & in naturam *Φαντασμα* convertere. (2) ex illis novas & singulares proprio Marte fingere ac pingere imagines. Unde tot somniorum oriuntur genera, ut non malè cecinerit *Claudianus* :

*Omnia, quæ sensu volvuntur vota diurno,
Tempore nocturno reddit amica quies.
Venator defessa thoro cum membra reponit,
Mens tamen ad sylvas & sua lustra redit.
Judicibus lites, auriga somnia currus,
Vanag, nocturnis meta caveretur equis.*

Sed de illis hîc non plura dicemus. *Secundarias* sive *transientes*, quoniam hîc propriè spectant, arripiemus. Hæ numero & specie infinitæ sunt, quæ tamen in hoc uno conspirant cunctæ, quòd phantasia non intra suos sese limites contineat, quando ultra affectionem phantasmatum, nunc in proprium corpus nunc in alienum, non quidem externum, sed foetus, in utero contenti dominium affectat. Fit autem illud non directè & per se: quia phantasia facultas cognoscens est. Cognoscere verò actionem immanentem denotat, non immutantem sive proprium sive alienum corpus. Quod inde haud difficulter probatum dare possumus, quòd nemo, quem hodiè morbus infestare incipit, cras aut perendie non convalesceret. Omni enim hora omnique momento ægotantes de sanitate ceu summo bono cogitant. Sic qui pecunia Croesum se superare sibi imaginantur aut somniant, non nisi somnium id esse deprehendunt. Per accidens igitur & in-

directè id contingit, ut modò proprium modò alienum corpus Phantasia mutet, quatenus nimirum cognoscentem sequitur appetens, appetentem locomovens, locomoventem mutationes istæ tam variæ & admirandæ in subiecto. Res in totum ita se habet: Objecta externos movent sensus: hi species receptas ad sensum communem deferunt, qui eas phantasiæ cognoscendas tradit: cognitæ appetitus sequitur vel averfatur. Actionem hanc excipit spirituum commotio & humores mutant partes. Et hinc omnium in corpore proprio à phantasia natarum mutationum evidens ac sufficiens patet ratio. Læta animis volventes, lætamur, tristitia, tristitia suffundimur, & de lautiori cibo cogitantes, salivam in ore percipimus. Fœmellæ pica laborantes è creta, luto, cineribus, lateribus & pice suavem sentiunt saporem. Amicorum adventus qui sperant, moderato afficiuntur calore & roseo colore perfunduntur. Quidam nocte una imaginatione acerrima canuerunt. *Scaliger Exercit. 3. 12. Historia*, inquit, *nostra tempestatis est sub Francisco Gonzaga Mantuæ Principe. Is affinem suum suspectum conjurationis cum in turri portæ Casaræ ad questionem aut supplicium servari jussisset, nunciatum est manè totum repente canum factum. Quod quasi prodigium flexit principis animum. Qui ei propterea & veniæ & vitæ fecit gratiam.* Non hoc expituitæ abundantia, ut nonnulli volunt, sed sanguine vehementer affecto contigisse putandum est. *Vid. Excell. Dn. Præsid. Ambropol. Phys. lib. 2. c. 16. quæst. 4.* Ac licet nonnunquam erret Phantasia, tamen mira inde sequuntur effecta. Quod videre est in *Vincentio* illo, sicut refert *Marcell. Donat. lib. 2. hist. medit. memorabil. c. 1.* qui tantam sibi imaginatus est corporis magnitudinem, quantâ ostium transire non liceret. Et cum medicus per id eum transportari mandavit, querula voce, in transportatione ista totum se esse confractum intus, dixit, pauloque post animam efflavit. Noctambulones è lecto surgunt, ambulant, scalas ac summa ædificiorum fastigia superant, nec non stupenda satis opera peragunt. Jucunda de his lectu exempla *Clariss. habet Medicus Johannes Horstius* libello, quem de *Noctambulonibus* inscripsit, quæ brevitatis causa omisimus. *Vulgus*, ut aliæ erroris plerumq; magister est, etiam hîc superstitione putat,

putat, homines ejusmodi ideo noctu surgere & circumvagari, quod à sacerdote non legitimè baptizati sint, sed quod is aut verborum aliquid aut ceremoniarum in baptismi actu præterierit. Verùm occurrunt huic *Excellent. Medici Lemnius lib. 2. de occult. nat. mirac. cap. 5.* & *Horstius* longèque alias adferunt causas, dicentes scilicet: *Noctambulanibus sanguis fervidus est & spumans: ex sanguine autem spumante etiam spiritus spumantes & velut vivi- di oriuntur.* Qui spiritus ex constitutione corporis melancholica & temperamento cerebri nimis sicco tenacissimam & fortissimam adjunctam habent facultatem imaginativam, circa quam dum occupantur, agitatione sua motuque incalescunt & accenduntur: accensi v. quarunt meatus spatium & à membris interioribus provolant ad membra exteriora: ita tamen, ut etiam si virtuti motrici musculis insidenti ad motum exercendum à cerebro communicentur, non tamen *organis sensuum ad sua objecta dignoscenda sufficienter impertiantur.* Quod propter hanc causam, referente *Keckermanno curs. Philos. disp. 17. p. m. 209.* accidere D. D. *Cornimbric. ex Vega in 3. Gal. de loc. affect.* annotant: *quia via, per quam cerebri facultas ad motum pectoris & artuum influit, laxior est eà, per quam sensuum exteriorum officinas illabitur.* Nempe ut brevibus omnia: in dictis casibus pro varietate cognitionis phantasie variat appetitus, variant affectus, variant motus, variant mutationes: & affectus moventur non juxta acta, sed representata. Ac ita etiam comparatum est cum corpore alieno, cum ipsi *indeterminatum* quid à Phantasia imprimitur: ut quando gravida à lupo contrita foetum edit pallidum, aut fuste petita mortuum gignit. Verùm cum determinatus cernitur in foetu effectus, res aliter se habeat, necesse est. Si enim mulier vulnere territa, quod in vulnerata vidit facie, foetum pariat vulnus in capite alentem, determinatus hic effectus à communi fluere causa non potest. Ad formatricem igitur facultatem hinc erit recurrendum, ad dictamen, regulam & ideam quandam operantem. Non enim humoribus aut spiritibus, non locomotivæ, non appetitui, non phantasie ascribendum est, quod formatricis audit opus. Hujus opera fit, quicquid in toto foetus formatur corpore. *Clariss. Præses*

rem paucis nervosissimè explicat, quando inquit: *Ipsa formatrix est, quæ format omnia*. Hac cum à Phantasia turbatur ac seducitur membra format tortuosa milleq. modis depravata. Res omnis in specierum consistit communicatione. Ita quidem, ut species phantasiæ percepta matris spiritibus ac sanguini communicentur, post spiritibus aut sanguini fœtus imprimantur: & ibi instar exemplaris ad hoc & non ad aliud formandum dirigant ac disponant. Ut ergo Phantasiæ species infinitæ sunt, sic etiam infinitas cernere licet signaturas. Vid. tract. ejus de format: hom. in utero. cap. 5. B. Sennert. tract. De C. D. c. 14. de virib. Imagin.

V. Mag. Nat. speciem *ὀνειρογενήτων* adducimus. i. e. ex in somnijs divinationem. Multi hanc planè rejiciunt; multi nimium extollunt. Mediam tenuere beati. *Pie & Rever. memoria Viri D. Frid. Balduinus lib. 3. de Cas. consc. c. 6. rectè inquit: Vel omnibus vel nullis fidem adhibere insomniis, ejusdem vanitatis est.* Cui meritò Barth. Keckerman curs. Philosoph. disp. Philosoph. disp. 17. probl. 53. subscribit, dicens: *Omnem somniorum significationem more Epicuri, Metrodori, Xenophanis Colophonij & aliorum rejicere temerarium videtur.* Et, *Quid dicam de divinatione ex insomniis? num somniare dixerim eos, qui somniis fidem habent? Non absolutè quidem: nam quedam somnia, quæ à copia & qualitate humorum & ex prægressis affectionibus, besternisq. cogitationibus dependentiam habent, possunt certa quedam nobis præmonstrare, maximèq. hæc à medicis advertuntur, quod copia & qualitatis humorum & constitutionis corporis nobis judicio esse possint: ait Paulus Zachias lib. 4. Quæstion. Medico-Legal. Tit. 1. quæst. 5. Monendum igitur hic erit, somniorum diversa esse genera. Quædam (1) sunt *ὀνειρογενήτων θεόπνευστα* à Deo modò *ἀμείως*, modò *ἐμμέως* per sanctos angelos immissa, quorum in sacris litteris plurima licet invenire exempla. Hæc magni à nobis semper facienda sunt. Quædam (2) sunt *ὀνειρογενήτων δαιμονόπνευστα*, quibus humani generis inimicus inflamat homines ad libidines, odium, vindictam & tumultus. Ejusmodi somnia fuerunt, quæ venditabant *Manichæi* olim: item *Enthusiastæ & Anabaptistæ*, qui superiori seculo ijs nixi in *Thuringia & Monasterij Westphaliæ* oppido nefanda patrârunt scelera. Diabolica etiam judicanda sunt somnia,*

Somnia, cum ad res futuras aut occultas investigandas perducunt, quarum cognitio non ad utilitatem aliquam, sed tantum ad vanam scientiae ostentationem vel etiam ad aliquid mali faciendum confert. Satanae enim opera sunt vanitates scientiarum & studia maligna. Quaedam (3) sunt *Φουκα*, quae ita magis vel minus certa & praesaga putamus, prout causam habent vel remotiorem vel propinquiorem & cum majori necessitate conjunctam. Dividuntur autem ea commodè in *animalia & naturalia in specie* sic dicta. Illa plerumque sunt *ἀόηματα*, ut Poëta non malè de ijs cecinerit. :

Somnia fallaci ludunt temeraria noctu.

Quando enim ejusmodi nobis accidunt, Phantasia vel praeteritas tantum actiones repetit vel eas variè confundit & ex multis diversisque rebus unam componit, ut nihil tam ineptum tam absurdum, tamque monstrosum cogitari possit, quin somnia interdum id nobis repraesentent. Ideo rectè hæc sacer rejicit codex *Ecl. c. 5. v. 6. Syriac. 34. v. 1. Naturalia in specie* sic dicta pleraque *σηματίζα* sunt, notatuque dignissima. De temperamentorum enim, affectuum, humorum testantur, aliarumque latentium rerum cognitionem adferunt. Ut in quibus abundat sanguis, ijs lætiora quæque & jucundiora occurrunt, qualia rotarum pratorumque aspectus sunt: item, saltationes, choreæ, convivia. Chole-ricis ob flavæ bilis acredinem, rixæ, pugnae, praelia, incendia, depopulationes objiciuntur. Phlegmaticis redundantem ob pituitam, navigationes, portus, submersio, maria, piscationes, balnea pluviae obversantur. Melancholicis denique varia corporis pericula, suffocationes, capitis amputatio, strangulationes, tenebrae, noctes, mors, diabolus, infernus, collapsarum ædium rudera, per loca oberrationes solitaria, & quid non? In causa est atra bilis sanguisque terrestris, quæ hi affecti sunt & abundant. Sed *Physicis* hæc & *Medicis* accuratiùs pertractanda relinquimus, properantes ad ultimam juxta institutum nostrum. Magiæ N. speciem post nonnulla de somnijs D. Hieronymi verba, quæ hæc sunt: *In multitudine somniorum & vanitates & verba plurima. Cum diversa videris per nocturnam quietem & varijs a-*

nima fuerit exagitata terroribus, siue incitata promissis, tu ea contemne, quæ somni sunt & solum Deum time: qui in somniis crediderit, vanitatibus se, & ineptiis tradet.

VI. eamque ultimam Magiæ Naturalis speciem constituimus *Ἀστρολογία* i. e. scientiam de viribus stellarū in corpora hæc sublu-
naria ex certo cœli, syderumque positu petitam, cuius ope, licet non proximis; remotioribus tamen causis, miranda quædam futura prædicere probabiliter possumus. Instructi hac apprimè fuerunt Magi ex Oriente ad mundi Salvatorem recens natum venientes. Nam cum viderunt, inusitatam planeq; singularem stel-
lam esse ortam, inusitatum quid planeque singulare illam porten-
dere statim conjecerunt. Unde ductum ejus sedulò sequentes i-
ter suscepere longissimum, ut Regem stellantis Olympi cernerent ac ipsi offerrent munera. Quanquam non negandum, summum his etiam Numen adfuisse, quod nobiliss. *Tycho de Brabe* lib. 1. astron. p. 584. videtur innuere, qui consulatur. Dividitur, autem Astrologia communiter in *Catholicam* siue *universalem*: quando ex astrorum configuratione toti cuidam aliquid divina-
tur plagæ siue genti: ut cum ubertas maxima, aut maxima frugum caritas illi denunciatur. *Exempla Democriti & Anaxagoræ superius* posit: *III adducta hic poterunt repeti.* Et *specialem*, siue huic vel isti homini propriam, quam etiam vocant *Genethliacam*, quando singularia in humanis corporibus temperamenta considerantur & de ijs ex accidentibus, quæ temperamenta plerumque sequuntur, prædicatur. Principia harum Divinationum tum metas quoque, ex *Physica & Astronomia* petitas, videsis ap. *Peucerum*, de *Divi-*
nat. fol 376 & sequent. Nos plura hic fari jam vetamur, ut de Ili-
cita quoque Magia subsequentes adferre nonnulla pagellæ con-
cedant.

VI. Verborum, characterum, ceremoniarum, imaginum, nec non sigillorum, ut superstitiosum vulgus antumat, vi-
res nullum in natura fundamentum habent, adeo-
que nullæ sunt.

Facinus magnum est implicitum cum Satana inire fœdus: Majus explicitum. Illud ex superstitione potissimum oritur & in-

& incautis sæpe instillatur mentibus. Hoc ex animo planè perverso originem ducit & nisi à volentibus suscipitur. Utrumque tam juxta divinam *Deutr. 18.* quam humanam, *L. multi. c. de malef. & Mathemat.* legem gravi animadversione dignum est. Quod tamen multi flocci facientes tam temerarij sunt, ut neq; illud cavendo, neq; hoc fugiendo sibi consulant. Sed subeant isti & corporis & animæ periculum. Nos postquam de *Licita Magia*, non nihil superiori posuit: balbutivimus, *Illicitam* quoque paucis attingemus, visuri, quàm infirmis ea fundamentis superstructa sit. Autorem hujus alij alium ponunt. Non opus arbitror, ut de eo impræsentiarum ambigamus. *Wierois Zoroaster filius Chami Misraim est*, cui pater, sub lato cataclysmi periculo, Magicas, quas ipse multò antè ab alijs hanserit, artes tradiderit. *Vid. lib. 2. c. 3.* Ast unde illi eam addidicerunt? Nobis certum est, Diabolum, ut omnis mali, ita & hujus causam esse atque caput. Etenim, postquam curiosa hominum ingenia tum cœlestem deseruere doctrinam, tum ultra posse sapere anxii sunt, versutus ille & versipellis deceptor, varijs impiorum speculationibus suam junxit operâ, superstitione superstitione commêtaq; cômementis alacriter augêlo. Quem morem adhuc obtinet, dum non uno fine nec una foederis forma se hominibus devincit: sed tot in cautos ac miseros mortales capiendi excogitat artificiorum genera, ut impossibile sit cuncta recensere. *B. Meisnerus* ad tres classes (1) *Divinatoriam* (2) *Præstigiatoriam*, (3) *Effectoriam* plurima eorum revocat *2. part. Philosoph. sovr. cap. 2. p. 555. & seq.* quem vide. Arbitraria jam nos ingredientiæ viâ, à *Verborum jehameterum*, &c. vi & efficaciâ incipimus, eamque esse nullam probamus. Ac primò quidem de *Verbis*, quibus utuntur, nunc significantibus, nunc non significantibus, nunc domesticis nunc peregrinis, nunc sacris nunc profanis sive tacitè demurmuratis sive clarâ voce pronuciatis dicimus, quòd illorum per se nulla vis sit, sequentibus rationib. nitentes. (1) Quicquid à fine verborum simpliciter est alienum, id illorum effectus nullatenus esse potest, Rat: Quia finis & effectus in negotio hoc mutuò sibi subordinantur nec realiter differunt: quoniam una eademque res & finis & effectus est: finis intentione: effectus

ne : effectus executione. Sed curatio morbi corporum immutatio, Lunæ de coelo deductio &c. per *verba* simpliciter à verborum fine est aliena. R. Quia adæquatus omnium verborum si-
ve prolatorum siue scriptorum finis est significare mentis conce-
ptus, ut ex definitione vocis patet. Ergo. (2) Si *verba* nihil aliud
sunt, quàm quantitates, ipsis quoque per se nulla inerit vis nul-
la efficacia. Atqui verum est prius. Sublato enim significa-
tivo usu, aliud nihil sunt, quàm sillabarum & litterarum nume-
rus, qui ad Quantitatis prædicament. pertinet. E. & posterius.
Quantitatis enim nullam esse efficaciam, Canon est. Frustra
igitur sunt & valde peccant, qui *Evangel. S. Johannis*, *Orat. Domi-*
nicam, *Psalmos Davidis*, *Ave Maria* &c. de collo suspendunt, inde-
que sanationem expectant aut alia his effecta edere conantur.
Vid. B. Chemnit. part. 2. loc. Theolog. in præcep. 2. Et si enim ha-
beatur *Hebraeor. c. 4. v. 12.* Quod Verbum DEI sit sermo vivus &
efficax, penetrabilior omni gladio ancipiti: non tamen id huc tra-
hendum. A quo id sit, Fall. à d. secundum quid ad dictum simpl.
committitur. Quà de re alij. Ex quo sequetur, si *verba* neq;
sacra neque *profana* ullam in se habent efficaciam, quà
verba sunt, ea etiam herbis quicquam præstandi vim confer-
re nullam posse. Verum enim est, & immotum manet: Quod
quis nullo modo possidet, illud alteri communicare nequit.
Occurrere nobis si quis ulterius gestiat, effectum tamen non-
nunquam manifestum sequi: Et quam plurimos per ADACADA-
BRA peculiari modo scriptum à febre liberatos esse: Illi responderi
posse arbitramur tripliciter. (1) Ægrotorum affectus admodum
vehementes sunt & plurimum in morbis valent. Ut enim tri-
stitiâ, terrore, metu, tanquàm vitæ inimicis, spiritus coarctantur
nec non rarò extinguuntur, unde in morbos, quos valde metui-
mus, facile incidimus: quos deinde inopina mors sæpe excipit.
Exempla vid. ap. Fuchsum. ex Plin. adducta insit. medic. lib. 2. sect. 6.
c. 1. Sic contrà firmam per spem ac fiduciam spiritus excitantur
inque totum corpus diffunduntur, ut confidentia atque ingens er-
ga medicum affectus plus nonnunquam efficiat, quàm ipsa cum
medico medicina. Natura namque obedit aliquando cogita-
tionibus

tionibus & vehementibus animæ desiderijs. *Et affecto spiritu, afficitur corpus, in quo spiritus delitescit, inquit Avicenna lib. de Anima.* (2) Natura sæpe ipsa morbum leviolem superat. (3) Rei admixta est occulta quædam Dæmonis operatio, ut hominem superstitiosum superstitione cumulet, sicque corpus adjuvando non nihil animam deperdat, *juxta illud S. Augustini: Cum spiritus maligni non possunt seducere Christianos, ut dent venenum. Ergo addunt mellis aliquid, ut per illud, quod dulce est, lateat id, quod amarum. Serm. 7. super Johannem.* De characteribus, quoniam meræ sunt figuræ, ac proinde nudæ tantum quantitates, idem poterit esse judicium. Deinde Diabolus nonnullis autor est, ut ceremoniis utantur ineptissimis inque ijs magna efficiendi multum ponant fiduciæ. Putant, illum, qui indusum, usu tritum, inversum induit à morbis ab incantationibus profectis esse immunem. Scopas ante ostium collocatas transgredi lamias non posse ajunt. Sed putant hoc & ajunt, sibi que à Satana fucum vendi patiuntur. Argumento hujusmodi rem subvertimus. Nullæ artificiales futilitates effectum naturalem producere possunt. Atqui ejusmodi ceremoniæ sunt artificiales futilitates. Ergo &c. Neutram præmissarum probatione indigere arbitramur. Quicumque igitur ceremoniis utitur, *Diabolicam exercet Magiam.*

Tertiò, qui sigilla atque imagines adhibent, à Satana etiam implicari asserimus. Inquiunt, *in imagine cerea aliave assari quem posse, configi, item surdum, cæcum claudum ac impotentem ad Venerem reddi. Item profitentur, nullum ferè morbum posse nominari, quem non tollere valeant aut Arietis sigillo aut Tauri aut Geminorum aut alijs reliquorum dædemonum.* Verum quid sigilla? Quid imagines? Artificialia sunt effecta, nullam per se sive commodandi sive nocendi vim habentia. Agendi vires, ubi nullæ sunt, fingere, mentis est dementis. Utitur Diabolus arte sua, qua ligat, in quos Dei permissu potestatem accipit: liberat verò rursus, quando aut Deus eum increpat; aut animas eorum lucrari hoc modo se posse conjectar. Exempla vid. *ap. Peucer. p. 169. de divinat. Wier. l. 2. c. 45. 48.* Constat ex his, quàm firmo nitan-

turtalo 3, 4, 5, & 6, *Paracelsi magia species*, quas sub initium *præced.*
Posit. adduximus. Juxta hæc igitur examinari poterunt.

VII. Per Naturam fieri non potest, ut se quis reddat in-
conspicuum, aut corpus suum à globulorum icti-
bus ac ferri immune.

Exercent hoc maleficiam jam benè multi, ad id aut *verbis* aut
herbis utentes, sub specie illa, quasi Natura ipsis velificetur. Sed
contrarium ex sequentibus pateſcet dianœis. Nullum corpus
naturale coloratum per medium rectè dispositum astantibus rectè
seſe habentibus invisibile est. Atqui hominis corpus est tale.
Ergo. Major patet. Quia visus proprium objectum est color.
Hujus, si medium sit legitimum, & organon rectè dispositum,
species visibilis necessariò recipitur ab astante. Porro: Quic-
quid est proprium corporis humani, illud ab eo, nisi supernatura-
liter, separari potest: Atqui mollities est proprium corporis hu-
mani. Ergo. Major constat: Quia propria à subjectis suis, nisi di-
vina virtute, quæ sola supra naturam operari potis est, separari ne-
queunt. Minorem nemo negabit. Adde, quòd anima huma-
na ejusmodi durum hospitium respuat. (1) ratione operationum.
Durum enim si esset corpus, membris ejus movendis minimè suſ-
ficeret, ut experientia testis est. Quibus enim tempore hyberno
obriguere manus, ex animi sententia eas movendi non statim da-
tur potestas. Tum (2) ratione substantiæ suæ. Sic eni-
juxta scripturam in sanguine est, spirituum scilicet vitalium & ani-
malium respectu. Manebit igitur verissimum, quod *Excell. Dr.*
Præses instit. pag. 365. habet: *Diabolus ipse Comædia istius actor est:*
æctus suscipit, mundumq; credulum ad se allicit, ut corpora cum anima-
bus in præsentissimam trahat perniciem.

VIII. Sagas perdisitissima loca posse convenire ad co-
mitia nocturna concedimus: at illas in feles aut lupos
converti: vel animas ipsarum extra corpus abripi,
eoque perferri à Diabolo, negamus.

Con-

Constans fama est circa *Walpurgi* diem, alijsve statis tempo-
 ribus, striges ad certa loca proficisci, ut in *Meliboci* aut aliorum
 celsissima montium iuga ad commestationes tripudique cele-
 branda. Nec desunt rationes, quibus id adducamur credere.
 (1) Magisagæque illud creberrimè sunt confessi. (2) Et posse &
 velle ipsis non denegandum est. Possunt Satanæ auxilio per aërem
 volitare ac longissima locorum intervalla peniciter emetiri, aut,
 scopis, aut furcis aut equis aut porcis aut hircis insidentes. Dele-
 ctantur etiam illi homines talibus consortijs ac ineptijs: quoniam
 depravata ipsis mens est, nil nisi abominandam ejusmodi jucundi-
 tatem quærens. Quamvis igitur decipiantur non rarò lamia, dum
 falsas illarum Phantasie dæmon offert species, ut semper rem-
 ita se revera habere existiment: cum tamen contrarium sæpius te-
 stetur experientia: tamen aliquando realem esse exportationem
 non inviti concedimus. De illo major difficultas esse videtur,
 an homines in bruta converti aut animæ eorum post inita cum
 diabolo pacta ab illo extra corpus abripi & ad conventicula dicta
 transferri possint. Prius multis sit verisimile. Videantur, quæ de
 mira ista hominum metamorphosi & in Livonia frequenti *Λυκα-
 θρωπία* scripsit *Peucerus de divin.* p. 170. seq. Sed nos assentiri
 his nō possumus. (1) Quia nō forma humana sola nec duæ essentia-
 liter distinctæ formæ corpus istud assumptū informare poterunt. Nō
 illa: quia si anima humana revera adesset, humanas sanè ederet o-
 perationes. *Idem enim manens idem, semper aptum natum est facere*
idem. Sed hoc ibi non fit. Ergo. Neque hæ: alias (1) Lupus
 iste aut felis simul rationalis & irrationalis esset, quod contradi-
 ctionem implicat. (2) Quia anima humana à corpore semel soluta
 non nisi divina virtute rursus cum eo conjungi potest. (3) Quia
 transformatio isthæ æquè est infinitæ virtutis, ac creatio. Non
 igitur, quod solius Dei audit opus, Diabolo tribuendum est. Nec
 obstat, quòd magi lamiaque vulnerentur interdum, cum feles
 aut lupi sibi videntur. Diabolus enim homicida est, qui corpora
 illorum sauciat, ut in errore miseros detineat. Quod si ita est
 ut nulli dubitamus, nulla etiam erit *Paracelsi* secunda de trans-
 mutatione Magiæ spec. quam supra adduximus. Restat posterius,

an animæ extra corpus finita virtute abripi & cum eo reuniri queant. Quod iterum negandum. Quæcunque enim actio solius Dei propria est, eam creatura nulla præstare potest. Atqui animarum à corpore separatio cumque illo reunitio est talis. E. Adde, quòd animæ sagarum extra corpora sua positæ, nullas possint edere organicas actiones: non coquere carnes, non canere, non saltare, quod se facere sibi imaginantur. *Videatur Clariss. Pras. Instit. pag. 367. & seq.* Nobis ad finem properandum erit.

IX. Magas ex columnarum aut parietum foraminibus, juncis, bipennibus, clavis &c. lac emulgere, præstigia sunt.

In sinu gaudent ac sibi valde gratulantur miserrimæ striges, ubi sese emanciparunt Diabolo, per varias sibi artes quasvis comparare divitias esse integrum. Inter illas numerant & lactis ex spinetis, parietum foraminibus, baculis aliisque siccissimis rebus productionem. Sed falluntur nostrâ sententiâ admodum. Diabolus enim lac istud, aut alijs hominibus, aut ipsis etiam vaccis jam antè subductum, occultè & guttatim ijs adfundis, quando deliramenta ejusmodi adhibent. Quemadmodum enim perniciosissimum istum sæpe spiritum modò poma, modò pyra, modò uvæ modò fraga, modò cerasa hyberno tempore ex distantissimis locis, *quæis tum maturior æstas*, attulisse compertum est: ita & hîc eum agere censendum. Plura hæc de re *Jodocus Hocker* habet libro *germ.* quem inscripsit *der Teuffel selbst.* Illum vide.

X. Lamiarum per aquam frigidam probatio ad illicitam spectat Magiam.

Fit hæc in nonnullis Germaniæ locis ita: Dextra manus sinistro alligatur pedi & sinistra dextro, sicque homo asseri impotitus aquæ committitur. Si supernatat, agitur reus, sin minus innocens pronuntiatur. Quòd autem ille Magos Magasque probandi modus sit illegitimus, facile possumus dare probatum. (1) Quia omni caret naturali fundamento. Non enim ejusmodi hominum

hominum corpora aliorum corporibus leviora sunt ; sed per se
aque, ac ea, petunt profundum. Nam proprietas corporis huma-
ni gravitas est, formam terræ, quæ in hoc mixto deprehendi-
tur, sequens. Propria autem à suis subjectis, non nisi supernatu-
raliter, separantur.

(2) Fallit. Sæpe enim factum est, ut innocentissimæ etiam mu-
lieres aquis hoc modo injectæ, supernataverint. Cur Diabolus,
qui indefinenter omnium nostrum meditatur perniciem, quando
pijs nonnunquam foeminis maculam hanc per lamias inussit, ut
etiam creditæ sint sagæ, & dignæ flamma judicatæ, supposuisse sese
ijs in aquam immissis, atque sic submersionem avertisse putandus
est. Spiritus enim ille mendax & homicida audit ab initio *Job. 8.*
Ac proinde nullius rei plus satagit, quàm ut fallacibus suis præsti-
gijs vitæ ac salutis hominum insidias struat.

(3) Non minùs, quàm cum stolidæ satis mulierculæ aquæ pelvi in-
fusæ nummulos ad explorandum, quis se amot, criticis impo-
nunt diebus aut alijs ceremonijs utuntur, hæc probatio superstitio-
ne caret. Quod animadvertens *Imper. Lotharius*, sustulisse eam
legitur in *Jure Longeb. lib. 2. tit. 54.* Atque ob id etiam hodie à
præstantissimis aliquot Jureconsultis improbatur. Defendere hunc
morem conatus fuit *Scribon. in Phisilog.* sua; sed in conatu defe-
cit. Ratiunculas ejus præcoces perquam & deliras vi-
de ap. *Excell. Dn. D. Jacob. Mart. Prom. ac Prac. meum*
atatem venerandum Cent. 5. disp. 8. Quicum alij Theo-
logi, J. C. Medici, Philosophi à nostris partibus stantes conferri po-
terunt. Nos hic subsistimus: & Sacrosanctæ Trinitati, quæ so-
la Diaboli insidias nos fugere doceat! & in æternæ veritatis
viam ducat! gratias pro concessa gratia agimus sem-

piternas.



Præstantissimo atq; Literatissimo

DN. RESPONDENTI,

Amico dilecto & honorando,

UT gemmas antris condit natura profundis,
Et pretiosa imò servat onusta sinu:
Abdita sic Physices ingens concludit abyssus.
Felix, qui gazas eruere inde potest.
Hæcce **MAGIA** sagax monstrat, sacrata recludit.
Hanc prensa sobriè. Sat pretiosa leges.

Gratul.

Johannes Scharfius Theol. Doctor

P.P. nec non p. t. Colleg. Phil.

Decanus.



Quæ, **SOLTERE**, tui vis fiet ingeni,
Et novit *Witteberga*, & scit *Julia*,
Ambæ splendidiores Academiae:
Disquisitio quod porrò perelegans
Monstrat, quæ tibi, quæ vera *Magia* sit,
Enodâsse placet, Cultor amabilis
Musarum, Tibi quæ præmia conferent,
Promptæ promeritis tollere honoribus

Cun-

Cunctos, qui cupiunt per sapientiam
Conari, ut feriant sidera vertice.

Ita meritò gratulatur Eximio & eruditè docto Dn. Respon-
denti, Fautori honorando

M. Johann Andreas Quendstedt/
Quedl. Collegij Philos. Adjunct.



Eximio

Dn. HENRICO SOLTERN/
S S. Theol. Cult. Strenuo, Philos. Cand. digniss.
de Magià disputaturo, Amico pl. dilecto
S.P.D.

P *Ars anima SOLTERE mea, pars pulcra Lycæi,
Dulcisq; Patria TUÆ Spes maxima,
Natura varios monstras mirosq; recessus,
quid nostra doni Leucoris TIBI dabit?
Hem dabit Illa suam multa cum laude Corollam,
non ut Magus, sed ut Magister audias.*

Infucari amoris debitaq; gratul. test. e. adpon.

M. Joh. Ern. Gerhardus Jenensis.

F I N I S: